



4
RECTOR
ACADEMIÆ WITTENBERGENSIS,
JO. GODOFRE-
DUS BERGERUS,
MED.D. ET ANATOMES
AC BOTANICÆ PROFESSOR
PUBLICUS,

CIVIBUS ACADEMICIS

S.P.D.



WITTENBERGAE,
Prelo excudebat MATTHÆUS HENCKELIUS, Acad. Typogr.



OC AUSTRIORUM sunt Diade-
mata

In flore summo, tempore fri-
gido:

Major quaternis seculisq;
Purpura Romulidum triumphat.

Vivit sepulchri nescia gloria,
Tot parta bellis: vivit, & ultimis
Narrabit Orbis Christiani,
Sceptra Tua, ô LEOPOLDE, seclis.

Quacunq;ve terrâ Sol habitabiles
Illustrat oras, Optime Cæsarum,
CÆSAR vocâris, REXq; REGUM,
Magnus Atlas, Columenq;ve mundi.

Augustiori pondera maxima
Ex ore nuper Cæsaris Inclyti
Accepimus prolata, cedro
Digna, notandaq;ve semper illa:

Sit delicatus, sit licet & tener
Adhuc, JOSEPHUS Filius ARCHIDUX,
Spes nostra præsens, Pannonum Rex,
Grande domûs Decus AUSTRIORUM.
Illi

Illi assidebit consilium Patris,
Illum fidelis ducet ad ardua
Heroa Virtus, providensq̄ve
Judicium reget in Senatu.

Divinioris pectoris hospita
Ad magna nostrum grandibus educat,
Curis, JOSEPHUM, dum Parentum
Pulcher honos vocat ad Coronas.

Omnes & artes Cæsaris Optimi,
Omnesq̄ve dotes pectoris enthei,
Et apparatus Regiarum
Omnis opum, decus omne Sceptri,

Hæc cuncta, certo Numinis ordine,
Hæreditatis jure fluent suo,
In Filium, dignum Coronis
Pluribus, Hungaricâ & Bohemâ.

Clementioris pectoris indicem,
Serenitatem prodit & indoles,
Nostramq̄ve notam lenitatem
Alloqvii geniale nectar.

Et sancta Legum vincula, Martia
Tot Laurearum gloria, tam gravis
Assveta palmis; civiumq̄ve
Cultus, amor, studium, fidesq̄ve

Jam

Jam summa spondent. Vos modò, Principes,
Vos membra sancti corporis, Imperi,
Quotcunqve Germanum æstimatis
Nomen, in hæc mea vota abite!

Unita Virtus fortior eminet,
Divisa torpet : jungite viribus
Vires, in unum fæderati;
Gallica, Turcica ne timete!
Ascende felix summa cacumina,
Auguste Princeps : jam Diademata,
Se vertici acclinant, manumqve
Sceptra manent, latus ambit Ostrum.

Compendium sis omnium honoribus
JOSEPHE, Patrum, Gloria Cæsarum!
Virtute, fortunâ, favore,
Par meritis, superes & Annos!

Gaudium & congratulationis pietas in Poëtarum leges digredi jusserunt; dum ex Libera Imperii Rom. Urbe oriundus *Florentissimus doctissimusqve Juvenis*, GEORGIUS VVILHELMUS KEGET, *VVindsbemiensis Francus*, commodè oblatâ opportunitate usus, Panegyrico sermone Coronati ROMANOR. REGIS, Serenissimi JOSEPHI, felicissima auspicia initiare voluit solenniter. Majestas nominis AUSTRIACI jam pridem titulos est supergressa omnes. Hujus fata prospera, & per Orbem Christianum universum merita diffusa, submississimæ religionis cultu prosequetur hodiè peractis ritè sacris, ante pomeridianam III. in Auditorio splendidior. Quamacroasin ut cumulatissimo confluxu exornetis, CIVES ACADEMICI, censemur maximoperè ac adhortamur. P. P. DOMINICA III. post Fest. EPIPHANIOR. Anno gratiæ recuperatæ, quo Leopold Cæsar InCLytVs, aC ReX Joseph felIX fLoreat!
Corona DIV Vireat!

QVoD feLIX sIt aC fortVnatVM VnIversIs nobIs!
Et
Præ reLIqVIs, AVgVstæ VnIversæ DoMVI AVstrIaCæ!

AUdi voventes, ô Alemannici
Vindex honoris, gloria Cæsarum,
AUGUSTE Cæsar! Rex JOSEPHE,
Spes Patriæ, decus Austriorum!

Admitte blandus supplicis obvia
Tributa Musæ! Numen amabile
Non spernit, admittit clientes
Ingenuos, humiles ad aras.

Audite Mundi Lumina & Imperi,
Augustioris fulcra Potentiæ!

Vestrum est adoratura Numen
Simplicitas pietasqve nostra.

Aurora Regni tot venerabiles,
Heroicas tot sistit imagines,
Atlantes orbis Teutonorum,
Semideum genus Austriorum.

Dum scena rerum splendida grandium,
Regum theatrum panditur Austriæ,
Fulgur Coronarum Ducumqve &
Archiducum genialis Ordo:

RUDOLPHUS, ALBERT, PACE*opulentior, FRIDE-
MAXMILIANI, CAROLUS entheus, RICUS.

Et FERDINANDUS PRIMUS, ALTER,
TERTIUS, ante, RUDOLPH, MATHIAS.
Per-

Perfectiones denique singulas
Complexus unus Relligiosior,
Humanior, feliciorque,
Optimus & LEOPOLDUS Heros.

Quam Specto pompam? Lumina, Sidera
Quæ cerno in oris Vindelicis nova?

Optata proles, REX JOSEPHUS
Romulidum Diadema gestat.

Exeste Festis nubila, lævaque!
Flammæ furores, insidiæ hosticæ!

Incendiari exeste Galli!

Sceptra tenent Gemini Leones.

Et quanta nostræ portio gloriæ!

Fregisse Lunæ cornua Thraciæ,

Semperque Germano Tyrannum
Bistonium domuisse ferro.

CÆSAR sedebat. Sed Rhodopœiæ

Flevre matres tanta cadavera:

Cessere retrò, Pannonisque
Deseruit fugitivus iras.

Mechmet fugatus, torvus & Ibrahim

Exutus armis, barbarus Achomet

Frustrà reluctatur, probroso

Colla jugo dare jam paratus.

Jam

Jam Bosphorani decolor æqvoris
Fluctus propinqvis non sine qvestibus
Narravit Afris : sæpè victus
Odrysiâ Solymannus irâ
Terram momordit. Turcica murmura
Audivit echo Thessâlicis suis
Claustris, qverelas Bistonumqve ;
Thracia mox sua castra tradet.
Illata jam sunt, Danubio procul,
Victricia arma hæc (credite,) Bulgaris,
Miratur Orbis : sed Poëta
Concinit, eloqvioqve Rhetor
Ad astra tollit fata : Geographus
Describet olim certiùs ad Scythas,
Huc usqve non expressâ chartis
Tot loca, flumina, plana, montes.
Coelo Mathesis grandia maximis
Dimetietur sidera lineis,
Nomenqve depinget serenis
Grande Tuum, LEOPOLDE, stellis.
Prædixit isthæc vasta potentiaë,
Oraculo actò, Vindobonæ sacer
Qvondam Poëta insignis, atqve
Austriacæ studiosus Aulæ.

Uni-

Unita virtus quid valeat, docent
Jam dum trementis cornua Bosphori,
Coelumq̄ve despectans Monarcha
(Rex Ludovicus) in Occidente.

Vos, quā Propontis sævit, & obviat
Freto Corinthus, Teutonicā manu,
Tropæa forti porrò Marte
Christicolæ amplificate quæso!

Discede Regnis perfida ab Austriis,
Et cæca vis! Hæc cernat & Occidens
Exempla, Lunæ congener Sol!
Stat clypeus LEOPOLDI in armis.

O turpe monstrum, livor! & arduæ
Famæ sepulchrum, sed stygium tamen,
Moliris inconsultus hostis
Exitium, tibi mox futurum.

Surget JOSEPHUS celsior indies;
Illi serenans omine candido
Horoscopus felicitatis
Exorietur in æde Solis.

O Austriorum Gloria Cæsarum,
O maximorum Gratia Principum,
JOSEPHE, Vivas! sic Qvirites
Imperii, Proceresq̄ve sperant.

*Pietatem & industriam Declamatoris Politissimi com-
mendaturus hæc deprop.*

G. C. KIRCHMAJER.





RECTOR
 ACADEMIÆ WITTENBERGENSIS,
 JO. GODDARDUS BERGNERUS
 MED. D. ET A. P. P. S. P. S.
 AC BOTANICAE PUBLICE

CIVIBUS A. S. P. S. P. S.



WITTENBERGAE,
 Prelo excudebat MATTHÆUS HENCKELIUS, Acad. Typogr.

